

**Lescha d'indemnisaziùn
par cumembras a cumembers
da las
autoritads a cumissiùns
digl
vaschinadi Muntogna da Schons**

Lescha d'indemnisaziùn da las autoritads a digls cumembers da cumissiùns

Prinzipi

Art. 1

¹ Igls cumembers da las autoritads a da las cumissiùns ân igl dretg da vagnir indemnissos savund lur prestaziùns. L'indemnisaziùn de coresponder a l'obligaziùn ad agl tains ampundieu. Els en ubliieus da taner l'ampundida digl tains a las spesas agl rom ca coresponda a la funcziùn ufiziala.

Egualitad da las schlatas

Art. 2

¹ La numnaziùn da parsùnas, lur funcziùns a mastregns sareferescha an que reglamaint da principi ad amaduas schlatas, aschei'anavànt c'igl saresulta betg anzatge oter digl cuntegn da quella ordinaziùn.

Indemnisaziùn

Art. 3

¹ L'indemnisaziùn cunsista da diarias par sasidas sco ear d'indemnisaziùns par uras prastadas a spesas efectivas. Plenavànt vean pajuada egn'indemni-saziùn fixa par incumbensas savund igl art. 4. Incumbensas spezialas sco lavurs da project, consultaziùns a prestaziùns da survetsch, ca pretendan egnà savida digl fatg speziala, vignan indemnissadas savund igl tains ampundieu near pauschalmeing (varda art. 8).

Pajaglias fixas anualas

Art. 4

¹ Cun pajas fixas vignan indemnissadas tut las uras pigl duer da preschientscha, par manar l'administraziùn digl departamaint surprieu, sco ear par la preparaziùn da sasidas, pigl studi d'actas sco pigls dascurs, telefonats ad uatgas ca diran antocen egn'ura. Las pajaglias fixas par las savundàntas funcziùns en vagnidas dezididas sco manzunadas sutvart:

pigl parsura comunal	frs. 15'000
par suprastànts comunals	frs. 5'000

² A caschùn d'egna midada d'ufezi near an consequenza d'egn'absenza da survetsch ple lùnga ca tres mains, e'gl da cundeascher propor-ziunalmeing la paja fixa agls titulars ufizials respectivameing a lur supleànts.

Diarias

Art. 5

¹ Igls suprastànts, igls delegos sco ear cumembers da cumissiùns, da grupas da lavur, instaladas a basa da la constituziùn u da leschas, near talas c'en vagnidas numnadas digl tarvaschegns u da la suprastànza, ratschevan frs. 100 par mintga sasida frequentada a protocolada ca surpassa egn'ura.

Tarifa par ura

Art. 6

¹ Igls cumembers da las autoritads a da las cumissiùns vignan indemnisos par lur activitads d'ordainfer las sasidas, cur ca quellas surpassan egn'ura, sco p.ex. dietas, curs, conferenzas, delegaziùns, uatgas, inspecziùns, dascurs a samagliants ampundimaints ca vignan caschunos antras lur ufezi. L'indemnisaziùn sadreza savund l'ampundida efectiva a vean indemnisada savund la tarifa ad ura c'amporta frs. 40.

Indemnisaziùn da spesas

Art. 7

¹ L'indemnisaziùn da spesas sadreza savund las directives cantunales mintgame valevlas.

Leztgas spezialas

Art. 8

¹ Igls cumembers da las autoritads a da las cumissiùns ân da sutameter a la suprastànza comunala igls custs aproximativs par incumbensas spezialas sco p.ex. lavurs da project, consultaziùns a prestaziùns da survetschs, las qualas pretendan savida digl fatg speziala. La suprastànza â da dezider la fatschenda avànt ca la realisaziùn da quella vigni antschieta. Resalvos en cass urgiants.

Rendaquent

Art. 9

¹ Igls cumembers da las autoritads a da las cumissiùns magnan quent da maniera independenta a detaglieada partutgànt las activitads ca vignan betg indemnisadas antras la paja fixa (numnànd exactameing l'activitad, igl tains duvro, las spesas), duvrànd igl formular da la canzleia.

Anulaziùn digl dretg actual

Art. 10

¹ Cun l'antrada an vigur da la lescha preschainta vignan anuladas tut las disposiziùns ca statan an cuntradiziùn cun quella.

Antrada an vigur

Art. 11

¹ Igl reglamaint preschaint va an vigur igls 1. da schaner 2021, suainter c'el e vagnieu prieu par bien digl tarvaschegns.

Questa lescha e vagnida apruvada digl tarvaschegns digls 30 d'october 2020.

Igl parsura da la
suprastànza transitorica:

Igl vize-parsura da la
suprastànza transitorica:

Andreas Heggendorn

Marco Dolf